

ensiti, che li averano roti. Et de quanto n'è stà dito del levar del biscoto et de altre vidualie, tal cossa non s'è stata de nostra volontà, nè de' nostri oficiali de Alexandria, se non che quelli zorni era lo morbo, che nissun non voleva desender de le galie, e, per paura del morbo, anche si nisuno moriva sopra le galie, nissun non lo osava desender in terra; et tal cossa era comandamento de Domenedio, che persona non potevano contradir in tal cossa. Et tuto quanto è stà dito, non è stà vero niente; perchè hanno abuto paura li vostri, che non habiano scritto li nostri a la illustrissima Signoria de le cosse che li vostri fanno fora de strada et de raxom, et de' lhor tradimenti et lhor boxie, che hanno abuto paura de non esser castigati: perchè de quanto che l'è stato narato, niente non s'è stato vero. Et da quello ch'è stato ditto per lo pevre, dolendose che s'è stato chiaro, de che sa benissimo la illustrissima Signoria vostra de la pena ch'è sta scritta da parte de quella, et anche de la serenità nostra, che non debiano toir lo pevre de la dachiera nostra, si non a contanti, avanti che piglieno quello de li marchadanti, secondo l'uxanza nostra et de li nostri pasati; de che adesso li marchadanti veneciani s'acordano con li nostri marchadanti mori, et li dano li contadi per le spexe, da poi fanno merchado de le nostre specie de la nostra dachiera, a tempo et per rami; de che li diti vostri marchadanti zerehano de smachar la nostra dachiera, per far lhor lhor fati, et lasano lo dano sopra la serenità nostra et de la nostra dachiera, e tutto questo lhor mali portamenti et tradimenti lhor. De che, per quando la serenità nostra vete lhor mali portamenti, et à veduto le lhor lamentazion del ditto pevre et servaro (?), et che nostro merchadante de dachiera le aveva forzato, comandassemo che fosse tornato nostro pevre in la nostra dachiera in lhor magazeni, in quella fiata lhor fezerono vella et andorono via; et quello fo la caxone del lhor fogir. Et si tal quosa averà fata altra nation che la veneciana, li haveria tutti davorati, che non averà nisuno lassato enssir, salvo perchè, per la gratia de nostro signor Dio, eramo potenti in tal cossa. De che, quando havimo veduto lo tradimento de lhor, et che lhor cor non era neto in verso noi altri, li metessemo in zime, et demandesemo li nostri danari de lhor. De che noi avevamo deliberato de chastigarli como meritaveno, et non lasarli entrar in nissun de li porti de la serenità nostra, per gabare et concordarse con li merchadanti mori, de acordarse con lhor per desfar la nostra dachiera, et chastigarli como meritaveno. De che se sono zontadi tuti nostri principali, a pregar la serenità

nostra che li perdonase; de che le perdonai, de che inpregovele (*sic*) de lo magnifico imbasador, de che l'avimo ben veduto. Non de mancho ne pensavemo, che quando vostra Signoria havesse inteso l'insidir de le galie senza licentia, che l'averà chastigati de gran manchamento che hanno fato, de romper lo porto de la serenità nostra, che li havesse chastigati fina aver empiehato lo primo d'essi in l'antena de la galia; de che, havendo inteso la serenità nostra tal chastigamento, che fora reposata la nostra colora. Et mandando imbasador, lamentandose de li nostri, che havevano strasinati li vostri merchadanti, como li merchadanti nostri et merchadanti de la dachiera; et non à dito quello che lhor hanno fato, de li lhor tradimenti, et non mirar nel dever, et non voler mantener le usanze antige; et demandar de la serenità nostra le usanze antige. De che lhor vostri merchadanti, con quelori che hanno torto, et hano fato uxanze nove, et demandano che la serenità nostra li femo uxanze, non serà ne ge trovarà mai, che la serenità nostra voja manchar lo nostro honor nè del segno nostro. Del che dixi, che lo pevre fosse sopra de noi. Questo s'è spazato, perchè è complito con carte de chadi et scrivani, et scrittura del gabani con tutti, stato scritto secondo l'usanza, con parola de li merchadanti venetiani, denanzi li nostri chadi de la neta et perfeta fede; et non s'è possibile, nissun desfar nè contradir per nisuna via del mondo. Et con tutto questo s'è stà ditto del magnifico vostro imbasador, inanzi la serenità nostra, del dito pevre. Et comandasemo a li vostri merchadanti, che tornaseno lo pevre in li nostri magazeni, poi che se lamentaveno; de che non volseno, havendo paura de li merchadanti, et le scritture del gabani non se rompeseno; de che se sono lamentade de le uxanze nove et manzarie che le sono stà fate. De questo za avimo comandato de scriverle comandamenti, che tutti serano a le uxanze, secondo li comandamenti, che s'è in lor man, de li antigi de la serenità nostra; et avimo scritto per tutto nostro paexe, che li serano observati; et che si nissun averà tolto robe niente de lhor, contra raxon, che li sia restituito; et che posano venir salvi, sicuri, lhor et lhor persone, merchadantie, per tuto el nostro paexe. Anche la Signoria vostra debia chastigar quelli che meritano esser chastigati, che hanno roto l'uxanza de romper la nostra scrittura et vostra, che non se debia comprar nè vender, per fina che non à venduto lo pevre de la serenità nostra, a contanti, secondo l'uxanza, perchè tutte le cosse vadano per so via con reposito de ogni homo.